

ताम् । उप॑हृता धे॒नुः सह॑र्ष॒भा । उप॑मा धे॒नुः सह॑र्ष-
भाह्वयताम् ॥ १ ॥

उप॑हृतो भ॒क्षः सखा । उप॑मा भ॒क्षः सखा॑ह्वयताम् ।
उप॑हृताः ३ हौ । इडोप॑हृता । उप॑हृतेडा । उपो॑ अ॒स्मा
इडा॑ह्वयताम् । इडोप॑हृता । उप॑हृतेडा । मा॒न॒वी घृ-
तप॑दी मै॒त्रावरु॑णी । ब्रह्म॑दे॒व कृत॑मुप॑हृतम् ॥ २ ॥

दै॒व्या अध्व॑र्य॒व उप॑हृताः । उप॑हृता म॒नुष्याः । य
इ॒मं य॒ज्ञमवा॑न् । ये य॒ज्ञप॑तिं व॒र्द्धान् । उप॑हृते द्यावा-
पृथि॒वी । पू॒र्व्वजे॑ कृ॒ताव॑री । दे॒वी दे॒वपु॑त्रे । उप॑हृतो-
ऽयं य॒ज॑मानः । उत्त॑रस्यां दे॒वय॑ज्यायामुप॑हृतः । भू-
य॑सि ह॒विष्क॑रण॒ उप॑हृतः ॥ दि॒व्ये धा॒मन्यु॑प॑हृतः । इदं
मे दे॒वा ह॒विर्जु॑षन्ता॒मिति॑ तस्मि॒न्नुप॑हृतः । विश्व॑मस्य
पि॒यमुप॑हृतम् । विश्व॑स्य पि॒यस्योप॑हृत॒स्योप॑हृतः ॥
॥ ३ ॥

सह॑र्ष॒भाह्वय॑तामुप॑हृतः ह॒विष्क॑रण॒ उप॑हृतश्च-
त्वारि॑ च ॥ अनु० ८ ॥

नवमोऽनुवाकः ।

दे॒वं ब॒र्हिः । व॒सुव॑ने वसु॒धेय॑स्य वेतु । दे॒वो न॒राश॑-
सः । व॒सुव॑ने वसु॒धेय॑स्य वेतु । दे॒वो अ॒ग्निः स्वि॑ष्ट॒कृत् ।